

樵川二家詩卷四

同郡綏安後學朱霞天錦訂

秋聲集卷之三

黃元鎮秋聲集

五言律

春日山行雜興四首

出郭晴光遠臨高逸興賒路經棲竊地山入種  
挑家石頂尋雲母松根飲雪花故人留宿處朝  
飯有胡麻

山翁留客住自說樂餘年日養分男舍春耕稅

主田雨泥朝過鹿山木夜啼鷓雞黍煩相勞  
花出釣船

城郭心何補煙霞迹未踈抱琴多羨地得酒即  
吾廬夜候丹砂火春尋石室書黃緣到幽絕高  
士亦巢居

夜宿東屯月朝行北渚雲地穿龍虎氣星列鳥  
龜文白隕仙家釀青精野客分人言王子晉笙  
鶴至今聞

春雨南田書事三首

流水三椽舍桑陰五畝田飯香分野碓茶熟候  
山泉石榻看雲坐谿窓聽雨眠桃花川上路應  
有釣魚船

瓜圃通鄰巷柴門接野蹊賣薪歸早市行餉汲  
寒溪野鷺山前落林鶯雨外啼客來渾不答孤  
絕正幽棲

草徑交塍畔花邨曲水隈夜燈鄰屋語晨弩獵

人猜石閣雲低樹溪添雨沒苔已無機事到終  
日面崔嵬

沿山早行

早起辭林館鄰雞已再噪月弦當戶直斗柄插  
山高細濕侵藜杖輕寒霰布袍前趨東日上五  
色動雲濤

題三碕鄭氏耕隱所

故人耕隱處一壑樂餘閒遶舍流春水當門出

曉山課童歸雨外留客住雲間尚恐違溫清城  
中日往還

三華吳宜甫桃溪十詠

本原樓

樓閣依山外高居白日長樹陰浮石潤雲影入  
江涼宴坐涵千古遐觀納八荒此時天籟寂虛  
白自生光

旦氣軒

想川二家詩卷四  
三  
曉起凭虛檻蒼涼羽翰輕五雲開日觀三島接  
霞城雨歇連山淨塵銷止水平試循嘉種看新  
綠自欣榮

半月池

鑿地通泉入冰輪隱半規水涵光澹澹雲度影  
遲遲坐引流杯稱書添洗硯宜蛟龍得風雨終  
去躍天池

綠玉洲

種竹蒼波上春深長萬竿晴琴依水潤夏簟入  
林寒渭畝夸千戶河菑頌百官主人持勁節留  
待雪霜看

濯纓泉

石潤通山氣甘泉二派流霧浮丹穴暖冰浸玉  
壺秋遠達朝宗志深懷澤物憂濯纓無限意風  
雨滿滄洲

白雲塢

川上桃花塢春風十里程遙遙青嶂合隱隱白  
雲生草閣遮難覓芝田潤可耕從龍當作雨膚  
寸起天行

釣魚磯

溪上收殘雨沙邊水落新掃苔留坐石投餌得  
遊鱗客至初菊酒僮歸旋斫薪住山元不惡物  
色莫相親

納稼畝

谷口躬耕日秋風獲稻梁地腴登歲事天角兆  
豐祥野爨青精熟山瓶白墮香此身雖畝畝一  
飯豈能忘

藝麻圃

舍外環麻圃圃千畦翠玉林補紉紅女意種樹逸  
民心夜績分鄰火寒機雜曉砧年年榮雨露衣  
被及人深

懷濟舟

柳川二家詩卷四  
五  
溪上桃花雨堤痕半沒沙永懷舟楫利何恨水  
雲賒赤壁凌仙袂銀河送客槎傅巖應一起未  
許伴煙霞

登南山蘭若

開基臨絕頂居與庶為羣一迳落紅葉萬山生  
白雲石梁秋蘚合茶竈午泉分此地多苓朮長  
應侶隱君

乘涼

借屋依喬木乘涼愜病身日回山有影風遠竹  
無塵除地平施榻攀條側挂巾應攜龐老宅真  
作鹿門人

得雨

十日得一雨今晨初入秋游飢期一稔嘉遯樂  
三秋綠茁晚菘圃黃收先穡疇太平耕鑿好羣  
盜勿相讐

南山紫雲山居十首

梅川二家詩卷四  
一宿南山頂仙凡此地分河明疑有浪天近更  
無雲月色初秋見泉聲徹夜聞紅塵飛不到甘  
與鹿為羣

紫雲當七夕織女度銀河絕頂瞻星近浮空見  
月多仙家還杼軸人世自干戈抱拙何煩問臨  
風一浩歌

一衲紫雲間幽居丈室寬無求塵世遠不語道  
身安茗滌薪爐沸瓜沉石井寒似君精進力得

法諒非難

樹老秋仍露山空晚更蟬雨添春藥水雲濕種  
瓜田對榻僧長坐聞鐘客未眠自應麋鹿性疎  
散夔林泉

伏日不知暑泉流山四圍竹風渾却扇松雨欲  
添衣逸老為家好逃喧過客稀虛亭無戶牖冉  
冉白雲歸

絕壑開闌檻遙峰展畫圖雪翻僧供鉢雲繞佛

香爐接板橋橫澗連筒水入廚杖藜行藥去九  
節得菖蒲

竹露連巖際松風滿坐隅水春如有節山鳥似  
相呼暑雨收崖蜜晴雲斲土酥月高秋萬宇身  
世一冰壺

碧巘明霞外秋山畫不如染成紅瑪瑙削出翠  
芙蓉五老天邊見三神海上居坐來高月上聲  
落晚鐘疎

開士來何處談空坐夜分五山攜杖月三楚染  
衣雲塔禮旃檀相臺繡貝葉文南峰尋道侶吾  
亦偶相聞

絕境紅塵遠高居白日長僻宜人不到靜與世  
相忘宇闊星辰大山虛水石涼翠屏天外立秋  
氣晚蒼蒼

八月稍告旱時雨沛然

天際雲初密山尖日尚明疾風吹竹亂斜雨射



懔鳴濯熱乾坤德悲秋歆畝情又聞鄰寇警飛  
檄報徵兵

八月

白露下山城秋風一夕生遠山晴若近微日晦  
還明南國登禾黍中原洗甲兵惟應餐沆瀣雲  
表桂華清

冬夜

室暖如冬候更長識老情客氈初夢覺鄰燭更

書聲漏緩風傳遠窓虛月透明自存中夜氣起  
咽玉池清

苦熱

展書成坐睡就枕即無眠惰氣傷顏景孱軀畏  
暑天樹陰靈隱路溪冷武夷船未得乘風去懷  
人意惘然

感事

忽得西軍報驚聞氣愴然鼓聲沉白日旗影落

青天憤切居妨食愁深起輟眠王師宜壯直即  
聽凱歌旋

還家

避難三遷久還家一歲餘亂中全子舍兵後保  
先廬池廢草留密徑存林伐疎室堂聊訊掃未  
敢計空虛

至節

至節新陽候關山戰伐場  
沍霜宜應序初日漸

舒長草蔓寒終隕梅花靜自香  
預謀煙艇好春暖釣滄浪

題朱澤民畫山水

與客浮湘水琴書共一舟  
雲間雙樹曉天外數  
峯秋指頤銷塵慮棲遲  
發擢謳未知身是畫明  
月滿滄洲

麻姑一宿

絕谷寒聲淺陰堂翠色交  
搨書摩蘚石炊黍入

煙稍瀑落投龍洞雲歸傍鶴巢誰能招我隱未  
用解人嘲

學稼

學稼存吾事居山樂有年地收鍾一畝人糴斗  
三錢曉雨丹林外清霜白鴈前為謀雞黍具邀  
客共談玄

斛蘭三開有懷蔣師文

白露滋蘭斛寒花晚更留香臨日午靜孤耐客

心幽夜月連千里天風薄九秋故人江海去相  
憶負同遊

東陽道中

出谷蒼煙薄穿林白日斜崖崩迂客路木落見  
人家野碓喧春水山橋枕淺沙前邨烏柏熟疑  
是早梅花

里敦田家

去市二三里居山八九家兩餘添菜莢霜後出

梅花穀稔冬饒酒泉甘日羨茶俗淳人事簡容  
我傲煙霞

冬春連雪

南北難危日乾坤老大身深山一月雪故歲兩  
年春宿麥抽晴早寒梅破臘新欲談當世事高  
唱若無人

社日

嶂隱層層樹溪流片片花看雲連石室聽雨滿

山家目短書疑字牙疎飯怯砂日長初試水分  
得社前茶

七言律  
寄雷隱上人

最憶高人住翠微萬巖千岫雪消時林階月在  
行香早石屋雲多出定遲棲樹有僧留聽法看  
泉無客和題詩松關不鎖容相扣得覓春山食  
紫芝

春日東行

春郊冉冉散晴暉芳樹頻聞一鳥啼山驛水流  
花落盡石田雲暖麥抽齊禪房鑿路當巖半釣  
屋維舟近竹西行過野橋人語靜尋源應到武  
夷溪

題秋江把釣圖

獨載輕舸過碧川一綸牽動楚江天蘆邊有月  
還吹笛柳外無風不繫船留火夜然湘岸竹得  
魚朝送酒家錢十年湖海真如畫亦欲狂歌一

扣舷

遊麻姑山用蔣師文韻

紫霧龍驚月裏遊白銀宮殿海中洲麻姑宴罷  
壇猶在葛令丹成井獨留滴雨浮嵐空翠晚飛  
花散玉瀑簾秋誰能共食金光草來住山家十  
二樓

雙溪客館

江關風壤故相接江閣感時還念家白鳥飛去

船着岸青魚上時人浣紗仙壇扶登借筇竹野  
客進飯留胡麻城下新水長三尺裏糧明日共  
乘槎

舟過石門梁安峽

書畫船頭載酒迴滄洲斜日隔風埃一雙白鳥  
背人去無數青山似馬來天際雨帆梁峽出水  
心雲寺石門開同遊有客如高李授簡惟慙賦  
峴臺

送憲幕陳時中分題得平章河

海國猶傳利澤功滄溟縹緲百蠻通潮來估客  
船歸市月上人家水浸空析木星辰三島外搏  
桑宮殿五雲東河梁此日重攜手目送靈槎萬  
里風

晚晴書事

白鶴樓西晚雨涼欲晴山氣遠蒼蒼鴉銜落日  
歸平楚鴈背殘霞上越陽溪崦築茅堪理釣畚

田收术好休糧秋風有約巢雲去却擬狂歌學

楚狂

平楚越陽  
郡城二臺名

三衢夜泊

涼夕清江弭楫徐拍浮身在太空虛星河光動  
牛女宅風露氣逼鮫人居去郭晴天更鼓遠連  
灘永夜水舂疎人間萬事豈足累扁舟歸釣槎  
頭魚

金原先離之側湧泉甘潔

山下流泉冷沁冰滌荒開甃貯甘澄穴通海眼  
魚龍沸波溢田膏雨霧蒸茶鼎夜寒分石乳藥  
鏡春暖洗雲層尋幽有約煙霞侶萬壑千巖擬  
共登

西陵渡

日午移舟出隩隈謹呼走趂百人回潮依草岸  
痕初落風拘蒲帆影半開極浦海門生霧雨隔  
江煙樹起樓臺中流浹漫魚龍過勇陷危機亦

壯哉

明州西渡

西埧津頭望海濤揚波捲雨日滔滔一江風起  
晚潮上半夜舟行山月高葭莢連空迷雪舫魚  
龍吹浪濕宮袍乾坤不礙身如葉我亦螟蛉笑  
二豪

會稽南鎮廟

巨鎮東南表海邦玉書金簡昔人藏雲從禹會

奔侯國呈列周官奠職方已祝洪釐尊社稷更  
磨貞勒寫文章幅員今已同王制勅使年年攝  
薦璋

臨川青雲亭

平野荒荒雉堞低一峯闌檻與雲齊斗牛三尺  
龍光照城郭千年鶴爪題白雨來時江水北青  
山盡處夕陽西古來亦有凭高客樹影蒼涼遶  
大堤



金原營小舍割山中田畀守者

烏子情孤淚滿襟手移丘木已成陰丹砂不換  
千年骨白髮空銜九地心自託煙霞謀卜築每  
勤霜露寄登臨傳家未得成先志敢墮遺言付  
託深

宿富沙水西

有玉清觀相傳漁人入水見  
宮殿扁曰玉清洞天二人對

奕歸家人無在  
者遂仙去

溪上千峰樹羽旄溪灘漱玉夜聲豪霜前鼓角

凌風迴月下樓臺隔水高北苑九重傳貢茗東

陽千日醉仙醪人間歲月棋邊換歸住山中學

種桃

北苑茶東  
陽醞土產云

雅正鄉壻別都魯沙迓憲使歸漢陽

纔聞征旆入三神又矚歸鞚過七閩仙籍九天

承雨露使華千里動星辰江間木落雲帆冷雨

後梅開水驛春亦欲登樓乘夜月幾時來食漢

江鱗

林川二家詩卷四  
七  
章表嶺

三華<sup>年</sup>西上章表嶺鳥道凌空寂阻脩從龍雲氣  
皆在下旋蟻天文如上浮花竹一家巢絕頂煙  
塵九點認齊州欲尋王子營丹處玉宇高寒不  
可留

送危山人歸江西

山人歸去大江西龍虎經文肘後携江漢地分  
南紀遠斗牛天入北辰低桃流谷口泉初落杉

擁關門鳥自啼已辦登臨幾雙屐僕君來往踏  
晴泥

題定武蘭亭

繭紙香隨玉匣遺寶書天上世難知狼烽幾墮  
昆明劫蟬翼猶傳定武碑曉雨苔花侵擣石秋  
山柿葉費臨池東都<sup>右</sup>已往誰能繼神物終煩謹  
護持

贈張孟琛

江海張公鬢欲華每從吟屋寫梅花逢人處處  
能知己作客年年易別家閩嶠午山生霧雨洞  
庭秋水落蒹葭河源八月西風便天上還乘奉  
使槎

章子漁白雲崖

越城高倚白雲崖下華堂向水開千嶂落霞  
秋樹老一江疎雨暮帆迴清尊款客稱文舉綵  
服娛親憶孝萊何日膏車從子去賦詩因上雨

花臺

送詹景仁赴江陵軍民揔管

開府南條最上州古今形勝一登樓三巴洶洶  
魚龍窟七澤蒼蒼橘柚洲閭井寓兵生聚遠詩  
書謀帥拊循周仲宣亦有從軍賦遙望西江李

郭舟

時杜清  
碧同載

湖廣提舉黃子肅挽詩

太史周南久滯留俄聞歸櫬有孤舟人間化鶴

輕千歲天上騎鯨隘九州漢水悠悠紅樹晚  
山寂寂白雲秋詩宗密印誰相付宿草青青有  
首丘

三山九日示鐵克剛

九日南州尚滯留高風寒鷹獨登樓自憐白髮  
誰為客欲買黃花只負秋南國美人鸚鵡賦北  
庭公子驕驪裘不愁大地風霜苦更擬吹笙過  
十洲

虎溪三笑圖

栗里先生不鼓琴偶携明月到東林白雲滿地  
蒼苔濕流水一山春雨深歸路已忘言外意過  
橋誰識笑時心人間俯仰成陳迹傳得高風說  
到今

鼓山靈源洞

有劣崩峯天風海  
濤亭唱水岩

劣崩峯頭萬丈梯上方高與白雲齊青山靜處  
海門闊紅日升來天宇低喝水無人空宴坐磨

崖有客謾留題飄然欲御長風去一笑何煩過  
虎溪

元正陪宴奉東黃庭羨

憲使韓公  
時按部

玉帛充庭會百僚衣冠陪位集三朝烏臺凜凜  
融層雪龍闕蒼蒼懸九霄入面酒和春意動插  
頭花暖曙光搖兩生禮樂成迂事翻對東風憶  
舜韶

和揭希韋立春

玉律頒春謹授時銅壺傳箭漏聲移瞳瞳曉日  
開黃閣習習和風拂畫旗綵仗三環迎氣早華  
筵六豆醉歸遲小車行處花如錦徧洛陽園捻  
是詩

乙亥閏十二月重改仍至元

玉殿垂衣儼典墳喬雲承澤泱乾坤歸餘不數  
秦終閏紀曆重瞻漢後元萬里耕桑環海域一  
溪魚釣老煙邨顛聞麟魯為州邑亦欲承風造

羨門

答陳季權貽新曆

山中無曆紀流年不記春深欲種田  
正朔又新頒郡國封題猶及到  
林泉鳳聲吹律時成歲龍角回杓斗振天  
白日舒長同化國滄洲閒理釣魚船

辛巳還光邑祖居上井約江少府同到

東井田廬故業非十年風雨寸心違  
江湖水闊冥鴻去城郭春深老鶴歸  
桑梓盡隨黃壤化松楸空望白雲飛  
梅仙此日能相約竹杖相携上翠微

秋風

秋風淅淅生庭柯蕭蕭木落洞庭波  
紅樹夕陽蟬噪急白蘋秋水鴈來多  
王孫不歸怨芳草山鬼欲啼牽女蘿  
蒹葭蒼蒼白露下望美人兮將奈何

舟過大茅洋

漲海渾茫寄一桴  
候神東去接方壺  
帆隨雪浪高還下  
島浸冰天有若無  
雁影斜翻西日遠  
潮聲直上晚雲孤  
投綸擬學任公子  
掣取封鱸飫萬夫

補陀島

一片雲帆駕渺茫  
東林絕島拂扶桑  
九天波浪隨星客  
萬壑魚龍覲水王  
日觀遠開溟渤動  
雲

臺倒浸白花香  
候神海上應相見  
為覓安期却老方

胡文璧歸池陽就赴淞闈

送子先登赴棘闈  
大江東又淞江西  
天連楚樹山雲闊  
雲湧吳潮海浪齊  
仙桂引香蟾兔近  
客槎乘便斗牛低  
鄉英上合中興將  
聞道天門榜已題

錢塘

熱川二家詩卷四  
三  
雨過高風發屋聲吳中暑退即寒生晴光入眼  
園林薄夜氣侵人枕簟輕寺鐸呼風宵自語鄰  
機織月曉猶鳴江湖處處悲秋客起東歸袞不  
待明

題林處士故居

先生滕隱得孤山小艇沿湖日往還自愛烟霞  
居物外豈知名姓落人間鶴無過跡苔痕老梅  
自開花月影閒表墓有銘祠有奠高風千載更

廉頑

贈葉山人

仙巖溪上葉山人手佩青囊太古文北極地從  
林邑下南條山到蜀江分尋源屢識蛟龍宅探  
穴長隨虎豹羣更約秋風清霽日與君高踏萬  
重雲

贈曾鍊師

聞說玄都曾鍊師曾從海上識安期遊山採藥



辭家早掃石看雲出洞遲  
醮罷每棲雙鶴樹丹成時  
浴九龍池長年別有壺中  
樂消得仙人幾

局棋

曹善棋

歲十有二月庚寅立春丁亥之春也

生甲逢春六十周乾坤俯仰一虛舟  
歲寒冰雪梅堪賦物外烟霞鶴與儔  
夜火流丹燒藥竈午泉分乳試茶甌  
吾心已定身何繫極目閒雲任去留

用韻酬涂啓仁傅鈞永午日聯句兼餉余

酒

西江迴棹遡煙濤南谷登樓碧四遭  
兩戒山河隨蠟屐十年風雨重綈袍  
尊開北海雲鯨浪句禿中山月兔毫  
更憶迂翁伴仙客遣分朋酒慰離騷

昭武圖經載天子岡越王駐獵之地樵人  
時得古瓦有羅紋雁翅之狀堅緻如石

以時考之已千百年矣感而賦之

北平山上越王城獵騎如雲此駐兵瓦礫不隨  
塵土化市朝空逐海田更鴻泥雪點深無跡鷹  
翅羅紋碎有聲訪古獨來舒望眼萬峰浮翠入  
天明

李氏妹夫仲章歸自襄陽

子到方城漢水西客帆煙雨幾程期襄陽耆舊  
更安在峴首風流今有誰隱去亦尋龐氏宅醉

歸還過習家池可能人事非前日曾問青山知  
不知

用鷲峰師韻送澗泉上人遊方十首

天台

天台山上綵虹橋山下桃花帶露飄仙客雲霞  
迷舊路化人宮殿現層霄穿林夜氣香為蓋冠  
嶺晨光錦作標若到上方應駐錫遙聞法鼓動  
春潮

雁蕩

鷹山鐘磬半空聞  
雪嶺霞城此地分  
金塔影浮滄海月  
寶臺光繞梵天雲  
禪機已熟能傳印  
世網難嬰易解紛  
更上孤峰看瀑布  
願將餘瀝湔妖氛

補陀

潮音海洞石盤陀  
送子東遊柰別何  
日上扶桑天不遠  
雲連析木地無多  
水王獻寶開丹穴  
星

使通槎泛白波  
見說蓬萊清淺處  
便從鵬翼起秋河

衡岳

身隨衡岳片雲來  
南極朱陵洞府開  
八桂山川臨鳥道  
九疑風雨濕龍堆  
使華今日嚴珪幣  
祖印何年翦草萊  
直到無生叅學畢  
逢人遮莫說輪迴

廬山

廬阜山陽幾勝遊  
謁來重為虎谿留  
千尋瀑布雲霞冷  
九派江流日月浮  
白鹿盤盤高洞曉  
黃花采采故園秋  
東南更有名藍在  
莫道諸方訊已周

五臺

去禮文殊寶刹開  
倚空巖岫鬱崔嵬  
金函奉旨傳香至  
白氈圖形載法來  
心鏡象懸天外月  
教筵獅吼地中雷  
還將拂子閒拈起  
更上繡經第

一臺

鍾山

一上鍾山萬慮消  
虛空樓閣翠岩堯  
金陵鬱鬱帝王宅  
天塹悠悠南北朝  
月滿石城秋似水  
風高淮浦夜生潮  
未應便作乘蘆去  
且聽仙人碧玉簫

靈隱

路入西山窮復深  
法筵應有聖僧臨  
兩峰塔影

天垂蓋千佛林光地布金牛笛儻逢圓澤語龍  
宮還見閻仙吟空中更上巖雲洞水樂泠泠奏  
八音

峩峩

峩肩樓閣現虛空玉宇高寒上界同茶鼎夜烹  
千古雪花幡晨動九天風雲連太白關中夏日  
繞重玄宅大雄師去想無登陟遠祇應飛錫驗  
神通

五山

浮杯東渡海門潮鷺嶺玄關路匪遙十載江湖  
曾慣歷五山風月自相招呼猿洞口行雙澗放  
鶴亭邊入斷橋直到妙高峰上望曇華天雨滿

煙霄

五言絕句  
越王臺

臺枕荒丘古蕭蕭草木秋遺來輦輅跡傳屬越  
王遊

右七言絕句之後

放歌臺

堂構新池上閒來放浩歌  
陽春原窻和夜月許誰過

西窓晝雨

三春驚過半露雨灑窓  
西鵲腦添爐炷春鳩隔樹啼

春行二首

花落東皇暮春江深復  
淡雙柑攜向客斗酒聽

鳴禽

巖曲瀉鳴泉風花萬樹  
妍支筇連袂去踏草興悠然

看泉

竹樹柴門古重陰  
胷女蘿徘徊谿迳曲瀑布下巖阿

雪舟獨泛

玉樹聳長空瓊瑤萬壑  
封夷猶冰鏡裏詩思灞

橋東

納涼

避暑到重陰  
奚奴挾素琴  
南薰時自至  
灌木響鳴禽

老僧翻經

趺坐傍雲根  
圓空慧性存  
法華惟自展  
難與世人論

野橋

選勝野橋邊  
疎松似鼓絃  
亭幽當水曲  
林際起秋煙

放棹

天清一棹遠  
楓老葉如花  
溯到芙蓉渚  
遙空見鷹斜

雪

瓊瑤天半聳  
風急六花飛  
寂寞無人境  
孤舟傍釣磯

夕泛

秋淨山如拭江清一棹橫  
挂帆延暮眺趺坐待潮生

野望

寒江一棹遠接岼板橋斜  
獨往乘幽興何妨去路賒

題王元善赴北清江新鴈圖

江南春水拍天齊鴻雁成行  
向北飛未必雲山

便秋聲相隔秋風還帶夕陽歸

七言富沙道中

溪上北風天雨霜野田高下  
散牛羊前邨落盡烏桕葉無  
數人家在夕陽

谷口二首

谷口橋邊日未斜先尋宿處  
近梅花分明聽得吹長笛祇  
隔紅闌第一家

谷口橋邊尋隱君山中幾時  
耕白雲清霜滿天



樛葉赤石上水聲終夜聞

松江款乃題李復禮松江漁者圖卷二首  
松江渡頭開釣船松江水碧秋貼天夜來酒醒  
山上月祇在蘆花深處眠  
釣魚莫釣班子肥榜舟莫近彭郎磯磯頭日日  
風和雨彭郎吹浪濕人衣

春日行近山二首

道人聞住集靈壇春日尋君一里山行到竹房

燒藥處仙家只在白雲間

門外山童掃落霞問師還只在山家推窓引客  
雲邊坐自扇風爐煮雪花

春山程鍊師山房二首

春山道士不飲酒顏如丹渥氣如虹不是出山  
歸較晚貪看明月過橋東

春山道士不辟穀自刷芝田種白雲昨夜石壇  
明月冷一聲長笛半空聞

過福山僧不遇

香積廚邊華雨紛  
繙經臺上柏煙焚  
不知飛錫遊何處  
應在天台看白雲

新城道中

苦竹黃泥十里餘  
一邨烟雨暗平蕪  
清風渡口平可涉  
無數山禽畱客酤

清風逆旅二首

繫馬門前日正亭  
與君相見問知名  
感君意氣

似相識聊贈木桃  
將遠情

妾家本在湘江住  
湘江水深歸路長  
聞君有便過湘水  
憑寄音書還故鄉

南田夜雨

四檐春雨夜浪浪  
記得吹笙近竹房  
三十五年江海夢  
又隨歸雁過瀟湘

遊麻姑偶題

借得丹爐煮石泉  
樓居一日近神仙  
偶然吹笛

下山去又過人間五百年

題鄭子聲畫

能畫能書鄭廣文  
丹成揮手謝塵氛  
不知笙鶴遊何處  
留得瀟湘一片雲

南田耕舍四首

跨鶴來尋處士家  
迢迢空翠隔煙霞  
山童揖客松邊坐  
却背春風掃落花

山下雲收宿雨涼  
一溪流玉自宮商  
松陰滿地

苔華濕坐對爐烟  
白日長

行到長松野水間  
吹簫石上不知還  
嵐光已重衣裳冷  
自扣巖扉月滿山

松下携鏡採茯苓  
一山紅葉正縱橫  
因留石上雲生處  
又聽冰崖瀉瀑聲

題麻姑圖有懷蔣師文

曾宿丹霞十二樓  
水亭風館不勝秋  
故人天上無書到  
自展山圖看雪流

山居春日雜吟四首

五色雲開日上東  
臘寒銷盡得春風  
秦人自愛桃源好  
新酒家家有醉翁

白髮盈顛又得春  
自將平日省吾身  
骨中俯仰無慙忤  
度外從天不在人

南北東西經亂離  
閒思往事只堪悲  
山中落盡梅花片  
同賞春風更有誰

平生海岳舊心期  
萬里風雲入夢思  
今日獨從

高處望偶逢林寺一題詩

紫雲山

六月久旱  
連禱輒應

甘澤中宵下建瓴  
一簾秋意枕邊生  
名山有禱神如在  
聽取邛邛打稻聲

題梅花太極圖

有叙

太極在物物中不獨梅也而梅開冬熟  
夏得六陽之純氣華得受采之全色實  
得曲直之正味是梅為植物之尤異者

中明繪為十圖以見太極之初終蓋表  
而出之也故各賦其事云

太極無朕

萬里江天欲雪時石梁斜路枕寒漪  
山翁擬覓春消息踏遍青苔未有詩

氣化有形

吟屋蕭疎霜後邨江頭千樹欲黃昏  
等閑又被春風覺添得寒梢月一痕

性質合凝

攜杖來尋碧玉泉千秋紅葉脫霜天  
何人寫得琴中意盡在疎枝淺水邊

風神全具

曾向燕雲畫裏夸孤山流水斷橋斜  
祇今殘雪疎籬外始見江南第一花

含春待放

行到湖邊處士家春風籬落近晴沙  
應將綵筆

題新句直待滿林飛雪花

得月齊開

幽芳一點無塵到况是月明霜夜深恠得陽春  
滿天地溪橋千樹玉成林

疎影橫煙

霜姿月骨夜稜稜亦有輕煙一帶橫聊似染空  
成淡影幽香不減向來清

寒枝壓雪

雪枝擎重為花惜怯冷應開春色中勁節始知  
金斷日歲寒終謝玉成功

斂華就實

山亭流水雨初歇楊柳橋頭花正飛直待清陰  
成子日與君攜酒送春歸

待用調元

凝姿已德得木味正鍊粹復專陽得純大用悉歸  
調鼎實生生無盡一腔仁

以名首在黃月潭  
後

樵陽八詠用陳教和周東圃韻

五曲精廬

歌棹曾窮九曲源精廬迢遞隱屏前  
閒尋五曲樵溪上三十六峰秋滿船

萬峯梵刹

雲館高車窳上峰遙林清逼翠微宮  
下方塵土不可到五色日麗扶桑東

石鼓松風

蛟鼉斫斷蘚痕斑萬壑蕭蕭響珮環  
溪館夢回山月冷滿天秋影聲珊珊

丹臺梅月

羽客丹成去此臺獨聞笙鶴夜歸來  
幾回欲問臺邊月晴雪梅花冷自開

北橋春舫

北橋橋下春水生畫橈兩兩蛟龍爭  
晚風樓畔朱簾捲倚棹何人聽玉笙

西塔暮鐘

山外斜陽紫翠浮，桂輪無影半空秋。  
晚鐘吹落人間去，一抹青煙淡未收。

樵嵐秋稼

樵溪水出蓮花山，平疇穰稔白雲寒。  
田家太平豈有象，社酒雞豚常盡歡。

熙春朝陽

會景亭西曉獨登，晨曦一上萬山清。  
滿城桃李

春如繡人在金黿頂上行

杭州八景

君山霽雪

誰把琪花散碧霄，千巖萬壑捲瓊瑤。  
支頤正好吟詩句，莫遣東風一夜消。

仙岡暮靄

霏霏暝色滿山城，隱隱巉扉帶晚晴。  
試問仙人何處是，穀聲樵唱不勝情。



九峰晴旭

朶朶芙蓉倚碧天  
溪光嵐影藹晴煙  
望中佳致堪圖畫  
疑在匡廬五老前

七里春濤

滾滾桃花浪拍空  
茫茫東去勢何雄  
禹門三汲渾如許  
應有潛鱗此化龍

雲巖書燈

曾伴先生共夜闌  
時留餘焰在雲端  
自從折桂

蟾宮去賸馥殘膏  
幾歲寒

月菴鐘鼓

雪滿長空月滿樓  
鼓鐘聲裏夜光浮  
懸知老衲無餘事  
長祝皇圖億萬秋

烏洲漁唱

扁舟一葉任西東  
煙水微茫處處同  
釣罷歸來無箇事  
數聲款乃夕陽中

龍灘棹歌

潺潺灘溜急如弦靈物曾從此處眠最是短篷  
煙雨裏長歌一曲水連天

早春感興四首

風雨生寒七日春梅花落盡杏花新欲談舊事  
推時變無復當年行輩人

生際華夷混一年老從耕鑿遇堯天春和着物  
皆生意豈是乾坤雨露偏

一室虛明白晝閒圖書左右坐中間嗒然隱几

無人到身在白雲深處山

石壁山前春水生畚田雨後課童耕交遊半是

漁樵客使者無煩問姓名

時部使者劉  
公有薦章

春夜聽雨有懷三首

孤客曾聽夜雨眠一生江海已華顛吟懷不與  
春風隔謾憶檐聲五十年

天地飄飄老此身一懷幽思為誰伸春來猶有  
登臨趣擬向山中覓故人

天上仙人玉筍班  
殷勤贈我翠琅玕  
相逢不復傷遲暮  
知已能傾一語難

宿武夷

秋日停車宿武夷  
石壇雲館近天梯  
幾時來此山中住  
結箇松巢伴鶴棲

李仲明秋山小景

家住夕陽三峽口  
人行秋雨二嶠間  
不知何處真堪畫  
移得柴門到楚山

山家四首

十里南田去郭賒  
不因無事却移家  
纔分宿火添香注  
又酌山泉煮茗華

家住桃花源上邨  
編松為屋鹿為羣  
匡床盡日臨門坐  
閒看青山起白雲

野衲來棲半屋雲  
一單猶貯貝多文  
問他城郭山林事  
手數輪珠默不聞

石洞懸流瀉碧崖  
石橋幽磴抱雲迴  
樵人共我

橫川二家詩卷四  
聖  
山頭看知是吹笙跨鶴來

題李氏甥彥博所藏枯林蘭石

幽芳冉冉路雲深白石滄江見此心  
零落佳人在空谷自彈秋月寄瑤琴

聞雞

曾催月影倒寒窓又促征車拂曉霜  
湖海故人今白髮五更孤枕淚浪浪

秦原嶺

山行盡日不逢人五里松風十里雲  
還有道家燒藥處時時笙鶴半天聞

和周凌雲秋日光邑山行韻

閩嶺秋深水樹涼原田耕穫歲時忙  
無人畫得農家樂雨過青蔬白稻香

贈漆戕周方大

曾見東溟湧日輪霞流丹穴錦回文  
蓉城昨夜西風壯捲入春膏五色雲

贈海中所藏顧定之竹

凱之遺墨在人間  
風起蕭蕭萬葉寒  
何日攜琴踏青蘚  
雨華臺上聽琅玕

方壺墨竹

方壺仙人灑香墨  
矛戟縱橫八法中  
青鸞舞罷秋水闊  
珊珊飛佩凌天風

憲椽孟伯真

杜老題詩不到閩  
千年風物跡猶陳  
即今海內

傳新句直待邯鄲孟伯真

黃月潭

平生山水寢相親  
蠟屐長隨野鹿羣  
未似月潭雙足健  
東南踏遍萬重雲

謝子安之江右求葬師二首

千里間關覓葬師  
青山多在白雲西  
秋風滿道吹紅葉  
何處逢人問楚溪

家在煙嵐五縣間  
碧榕橋下水潺湲  
朝來雨過

秋如洗寫出江南一幅山

題牛背醉歸圖二首

社散田頭日欲晡平坡煙暖草如鋪醉來穩坐  
烏犍背歸去花邨不用扶

歲久携來家任白雲春風行樂任天真頽然醉貌  
衣冠古應是鹿門山下人

雲山小景二首

天上香風拂彩橋雲霞宮館鬱岩堯行從白鶴

山頭過吹動仙人紫玉簫

飛瀑潺潺瀉碧岑野橋分路入雲深三椽草屋

長松下應有先生抱膝吟

題烏江廟

昔有云恥向東吳再起兵者項王之徒勇卷土重来事未可知

子因之評之

五色龍文應漢王項家徒用力爭強不知麾下  
無人傑卷土重来亦是亡

題錢清埧

父老何知太守賢  
宵無厯吠即安眠  
當時不作歸裘累  
更莫輕持一大錢

於越

沃土連雲富稻梁  
十年生聚信能彊  
扁舟不見鷓夷面  
獨上高臺弔越王

會稽山

安宅茫茫宅大都  
東南萬里播鑾輿  
遙觀禹穴雲如海  
玉帛繽紛上計書

柯亭

金碧樓臺宅楚王  
柯亭無處問中郎  
何當截取如椽榦  
吹起崑丘紫鳳皇

霽月

寒愛春來暑愛秋  
水長山遠白人頭  
天時自有清涼日  
霽月如銀獨上樓

題摘枝海棠

展卷還教蜀客疑  
半含清露濕臙脂  
草堂二月

花無數開透春風未有詩

五月調兵赴綏陽四首

五月南征亟出師黃塵眯目汗流衣  
衰翁偃仰猶嫌暑慙愧軍中幾日歸

五月農家半未耕更聞田鼠食苗萌  
轅門昨夜飛書急十戶三人赴調兵

五月公私乏見儲師徒野掠竟何如  
自憐無力操戈後未敢偷安飽飯居

五月炎蒸日似年金龍山下有林泉  
不知杖錫何時去裹飯從師借榻眠

李遵道枯木竹石圖

老樹槎牙倚半空蒼筠葉葉帶秋風  
欲將歲晚論心事遙憶美人江水東

夜中忽雨

歲惡無鄰堪乞糴時艱何地可移民  
秋來一夜江南雨遍實空困活餓人



兩寅正月十二日据舊鈔本校訖原本冊首鈐翰林院大  
官河中有分校劉景岳黏簽蓋四庫館底本也

藏園主人沅叔識

